



UPA 2014/129  
Andreas Uldum

**Siunnersuut uunga: Kalaallit Nunaata Aatsitassarsiornermi Anin-gaasaateqarfia pillugu Inatsisartut inatsisaata allanngortinnissaa pillugu nr. 6 5. december 2008-imeersoq**  
**Inatsisartut inatsisaat nr. xx, xx.xxxx-imeersoq.**

(Inuussutissarsiornermut Aatsitassanullu Naalakkersuisoq)  
(Siullermeernera)

Uunga siunnersuummut atatillugu maluginiarparput Naalakkersuisut noqittut: Aammali isumaqarpugut tamanna assersuutaasoq demokratiip pissusissamisut ingerlaneranut. Naalakkersuisummi Inatsisartuni amerlanerussuteqarnertik tunngavigalugu taamaallaat naalakkersuisinnaapput tusarnaartariaqarlutillu Inatsisartut piumasaqaraangata.

Taamatulli oqareerluta aamma siunnersuummi allannguutissatut siunnersuutigineqartut iluarisimaarpagut. Piffissami sivisuumi sulissutiginiikuuarput Aatsitassanut Aningaasaateqarfiup atuutilernissaa, ingerlaavartumik isertitaqartalernissaq anguneqarpat. Tamanna qularnaarneqassaaq Kalaallit Nunaanni Aatsitassanut Aningaasaateqarfik pillugu inatsit atulerpat ukiup tulliani ulloq 1. januar aallarnerfigalugu, taamaasippat Inatsisartut ukiuni marlunni tulleriiginnarni landskarsip naatsorsuutai akuerisassavai, ukiumi naatsorsuusiorfiusumi aatsitassarsiornermi minnerpaamik 10 millioner koruunit isertinneqarsimappata.

Allannguutissap tullia pingaarutilik tassaavoq pigisat tigussaasut soorlu illuutit, uuliaarluernernut akiuiniarnermi atortut allallu siunissami Aatsitassanut Aningaasaateqarfiup isertitaanut naatsorsuuneqassaarnissaat.

Naalakkersuisut tamatumani oqaatigaat isertitat taamaattut ilanngunneqartartussaasut, Danmarkimiit tapiissutinit ilanngaatigineqartarnissaannut apeqqummut tunngatillugu. Tamanna ilumoorluinnarpoq, Demokraatinili isumarput naapertorlugu oqaatigineqartut taakku marluk imminnut attuumassuteqanngillat.

Anguniarparput pigisat tigussaasut soorlu uuliaarluernernut akiuinermi atortut Aatsitassanut Aningaasaateqarfiup isertitaanut ilanngunneqartassanngitsut, piumannginnatsigu Aatsitassanut Aningaasaateqarfiup atorneqalersinnaanissaa isertitat taamaattut tunngavigalugit.

Demokraatini qularnaarusupparput aatisatassanut aningaasaateqarfiup aatsaat atorneqalersinnaanissaa aatsitassarsiornermut isaatitsisoqalerpat soorlu ingerlatseqatigiiffiit akileraarutaannik, royaltiesinik assigisaannillu.



Kisianni soorunami aatsitassarsiornermit isertitaviit ilanngunneqartassapput bloktilskuddit isertitanit illuatungilerneqartussanngoraangata Namminersorneq pillugu Isumaqatigiissut tunngavigalugu. Tassunga atatillugu suliaasaq annertoqq tassasussaavoq isertitanik naatsorsuisarnissaq Kalaallit Nunaata Danmarkillu inooqataaffigisinnaasaannik. Suliamut tassunga tunngatillugu Demokraatini Aatsitassarsiornermut Ataatsimiititaliaq iluunngarluta qinnuigerusupparput isumaliutissiissummini siunnersuusioqqullugu.

Taamatut oqaaseqarluta siunnersuut Aatsitassanut Ataatsimiititaliamut innersuupparput.